

上清靈寶大法卷之三十一

仙四

上清靈寶大法卷之三十一

仙四

洞玄靈寶法師南曹執法典者權童初府右瑁治金九中編

奏申文檄品

神王牒

牒文似乎輕急可比三元用申亦好

靈寶大法司牒上 東方無極飛天神王

當司據入事須至移文

牒請詳事理即與關告靈寶官屬使者大神

三五功曹左右官使者左右龍虎君侍香金

童傳言玉女五帝直符飛章從事促炁功曹

靈寶法中官將吏兵一合下降悉赴齋壇頒

告符文通達章奏宣布號令衛護齋修庶使
福被顯幽恩霑家國生靈蒙祐動植咸休事
畢上聞叙功遷賞一如太真之儀牒至幸疾
速依應施行謹牒

右神王或專牒則十方各一道牒若則用

仙四

一牒則依法中直日請一方神王關告也

將吏總牒

靈寶大法司牒

當司據入事須至移文

牒上請

靈寶經籙法中仙官將吏執職萬神童初府
一炁都統大將軍直月五將十二時直主者
五府仙兵將吏雷霆歛火律令大神五雷使
者雷公電母風伯雨師社令雷神追覓攝鬼
合干將吏傳達章奏衛護經科符圖印訣中
官將吏兵各請照詳事理會合本屬典祀正
神監勒里域土地內外干係神靈併力同心
自某日建齋掃除故炁不祥辟斥厭穢妖異
整肅內外守衛壇場通達齋誠升進章表所
有到壇係薦亡魂及五道三途四生萬類新

亡往逝惡死橫終有主無親含情抱識一切
沉靈滯爽請爲開明性識省悟執迷毋令着
體戀尸悉俾和寃釋恨使其自知形骸膏於
土壤冤鬼屬於虛無昔時疾患損傷無身可
慮往日情緣恩愛回首皆空復彼一真釋諸
外惱轉輪不滅仙化成仙四人然後齋福恢洪善
功昭著恩普霑於動植澤廣浹於顯幽國安
民豐欣樂太平散席解壇言功遷賞一如太
真之儀幸請疾速依應施行謹牒

右件奏申牒文並關上界直符日時主者

傳達所有奏申之數自可隨事增損

狀謹申上
北陰豐都宮

靈寶大法司

當司先據入事須至錄狀申

不聞者

右謹具申

北陰豐都大帝伏望

聖慈特垂矜允暫迂法駕畧屆齋壇證錄精

衷鑒瞻修奉庶使齋功成就靈滓普覃福被

顯幽澤霑寰宇生靈蒙祐家國承休仍乞專

降指揮行下北都羅豐洞陰鬱絕境界六天
十洞幽獄冥司應干合屬去處依法照應咸
令遵稟符命拔度亡故某人等竟及五道四
生三途萬類運風掃山之鬼擔沙負石之徒
穿地引水之龍受報償辜之職一切沉靈滯

仙四

三

爽並與疾除罪簿落滅惡根赦宥罪瑕蠲除
執對隨茲召攝遣出重陰盡解沈迷俾膺齋
福如所攝亡竟考證未畢不應遽原亦乞差
撥官將時暫引衛赴壇昭示報應敢祈早賜
施行謹狀

東嶽上卿

狀謹申上
東嶽二命宮

靈寶大法司

當司據入事須至錄狀申

聞者

右謹具申

東嶽上卿司命真君伏望

真慈曲垂矜允特迂仙馭俯降齋壇證錄精

衷鑒瞻修奉仍乞真旨行下五嶽宮曹天下

名山洞府福地靈墟治化靖廬及茅山華陽

良常洞天地肺福地神庭仙館中界治職及

九州分野城隍社令應干台屬去處依格照
應咸令遵稟符命拔度亡過某人等竟及五
道三途四生萬類以至運風掃山之鬼擔砂
負石之徒受報償辜拘竟未解一切沉靈滯
爽並與削除執對赦宥罪瑕超出冥途俾膺
齋薦悉行遣發隨召前來如所攝亡竟未合
遽行原釋仍乞指揮逐處主者差撥官將時
暫押送赴壇昭示報應恭聽
天旨施行庶使善果圓成宸休普浹生靈蒙
祐動植霑恩謹狀

五嶽東嶽帝宮

靈寶大法司

當司據入事同前

右謹具申

東嶽天齊大生仁聖帝伏望

仙四

聖慈曲垂矜允暫迂仙殿垂盼齋壇鑒錄禱

祈證明修奉庶使齋功成就天澤普霑家國

蒙恩生靈均慶仍乞專降指揮行下所屬曹

局冥獄幽牢及九州分野洞天福地名山大

川祀典靈壇城隍里社應千合屬去處同上

卿狀式

南嶽司天大化昭聖帝

西嶽金天大利順聖帝

北嶽安天大貞元聖帝

中嶽中天大寧崇聖帝

右四狀並同東嶽狀式餘四嶽方函各詣

某嶽帝宮

凡東嶽狀不可稱泰山府君直云申上東嶽帝宮若申泰山府君方云申上東嶽泰

山府

泰山府君狀

狀謹申上
東嶽泰山府君

靈寶大法司

當司據

人事云
同前

右謹具申

東嶽泰山府君伏望

仙四

神慈曲垂鑒錄特迂雲馭俯降齋壇成就善

五

功證明修奉庶使顯幽蒙祐家國霑恩仍乞

行下嶽府所理冥獄陰曹及天下名山洞府

福地靈壇治化靖廬神庭仙館及九州分野

城隍社令應干合屬去處依格照應咸令遵

稟符命拔度亡過其等竄及五道三途四生
萬類以至運風掃山之鬼擔沙負石之徒受
報償辜拘纏未解或因事候證或有犯自纏
一切沉靈滯爽並與削除罪對原宥愆瑕超
出冥途俾膺齋薦悉行遣發隨召前來如所
攝亡竄未合遽行縱釋亦請差撥官將時暫
護送赴壇昭示報應庶使善果圓成宸休溥
浹生靈蒙祐動植霑恩謹狀

洞天福地

狀謹申上

靖治主錄仙真

狀同式

乾坤之內十洞天三十六小洞天七十二
福地及漢天師依古跡興復二十四治嗣
師增立四治晉許真君鎮弭妖孽立三十
六靖共一百七十八所若逐一申告則非
獨文移繁冗又且醮位數過多或以十洞

總作一狀之類則必無投下之司反就礙
理今止以洞天福地與建齋之地同郡邑
者當就近申之無則已之蓋已於狀內陳
乞頒行矣更請酌詳而用

靈寶大法司

當司據入前

右謹具申

某洞天主錄仙真伏乞照詳申請特迂仙仗
俯降齋壇成就善功證明修奉仍乞關告所
理仙曹靈域掌錄陰鬼校量功過應干合屬

仙四

六

去處咸令遵稟符命拔度係薦某等竟及五
道四生三途萬類一切沉靈滯爽並與疾除
罪簿落滅惡根疏理拘纏隨召遣發赴壇昭
示報應即使謫役停於陰境考對罷於冥關
慶浹顯幽福周寰宇立祈照應施行謹狀

九壘

狀謹申上
第一壘土皇府

九壘聖位在後

第一壘有四位土皇君九壘共三十六位

土皇君然每壘四位當共境界未免一壘

共一狀也

靈寶大法司

當司據入事

右謹具申

第一壘土皇君伏望

照詳申請特與關告九壘地司主執聖眾各

迂神馭俯降齋壇成就善功證明修奉仍乞

行下逐處土府冥曹主理罪福拘役亡魂應
干合屬去處依格遵稟符命拔度亡過某人
等魂餘同東嶽
上卿狀

豐都曹僚狀謹申上共二十八狀同

靈寶大法司

仙四

七

當司據入事

右謹具申

紂絕陰天宮主宰真靈伏望

聖慈曲垂省錄特迂神馭俯降齋壇成就善
功證明修奉仍乞行下所理幽獄冥曹主掌

死竟罪福校量世人功過應干合屬去處咸
令遵稟符命拔度係薦某人等竟及五道三
途四生萬類一切沉靈滯爽並與疾除罪簿
落滅惡根解釋冤讎罷停考對悉行疏理應
召赴壇如所攝亡竟未應遽行原釋亦乞差
撥官將吏卒時暫引衛前來昭示報應庶使
玄恩普浹齋福廣覃幽顯同休生靈均慶拱
祈照應施行謹狀

豐都曹僚聖位

紂絕陰天宮主宰真靈

大煞諒事宗天宮主宰真靈

明宸耐犯武成天宮主宰真靈

恬照罪炁天宮主宰真靈

宗靈七非天宮主宰真靈

敢司連宛屢天宮主宰真靈

泰素妙廣真君

陰德定休真君

洞明普靜真君

玄德五靈真君

最勝耀明真君

寶宿昭成真君

神變萬靈真君

無上正度真君

飛魔演慶真君

五化威靈真君

山四

豐都高明司直

豐都東明真公

豐都南明真公

豐都西明真公

豐都北明真公

酆都鬼官北斗君

酆都大禁晨

酆都中禁晨

酆都侍帝晨

酆都鬼官司命官

酆都丈人宮主宰真靈

酆都北都宮主宰真靈

已上二十八狀方函各詣其所

酆都宮諸府八牒並同式

酆都變生府主者

豐都五道府主者

豐都泉曲府主者

豐都北天修門郎

豐都南彈方侯

豐都北彈方侯

仙四

豐都冥冷大神

豐都西明郎

牒式

靈寶大法司

牒上合某府主者

當司據入事須至移文

牒請詳事理疾速行下所管幽獄冥曹主掌
亡寃考錄罪福應干合屬去處咸令遵稟符
命拔度亡故某等寃及五道三途四生萬類
並與疾除罪簿落滅惡根疏理拘纏隨召遣
發如所攝召亡寃未應遽行原有亦請差撥
吏兵時暫引衛前來昭示報應仍冀神馭光
臨證明修奉庶使玄恩廣浹齋福普覃寰宇
清寧顯幽昭泰牒至幸火急依應施行謹牒

九州社令牒

靈寶大法司

牒上揚州分野社令神君

當司據入事須至移文

牒請詳事理疾速行下當州分野名山大川
城隍里域祀典靈壇治職神司應干合屬去
處咸令遵稟符命拔度亡過某等寃及五道
三途四生萬類以至浮遊郊野留著坵墟有
主無親新亡往化一切沉靈滯爽並與疏理
拘纏放停考執原除罪罰解釋寃尤隨召前
來以時遣發如所攝亡寃證結未終不應遽
放亦請分遣屬吏部衛赴壇昭示報應仍乞
神懸垂賁同證齋修庶使善果圓成天恩普

博人世遂有生之樂冥途無不祀之蒐幽顯
同休寔區均慶牒至幸星火依應施行謹牒
揚州 兗州 青州 徐州 雍州 豫州

梁州 荊州 冀州

右九州社令九牒並同式如或只用一牒

仙四

+

則專委建齋處所屬之州社令請專牒關

告牒後則云牒請詳事理即與轉牒關告

某州州開八名各處社令一體行下逐處名山

大川同前
結尾

本郡城隍牒

本縣城隍
牒同式

靈寶大法司牒上某處城隍主者

當司據入意須至移文

牒請詳事理疾速行下管屬靈壇典祀社稷
神司里域衆靈山林孟長應干合屬去處依
法照應咸令遵稟符命遷拔係薦亡故某等
冤及五道三途四生萬類新亡往化惡死善
終有主無親迷真惑性或拘留里域或執對
牽纏或取會不圓或考證未畢以至魍魎陰
魅山石精靈一切遊神飛爽沉冤滯鬼悉行
部衛赴壇如所攝冤儀或係未應原釋之數

亦請時暫引衛前來恭聽

天旨仍冀神車早邁營衛壇場鎮肅方隅周
旋齋事庶使善功成就宸貺普覃遍家國以
霑休極顯幽而蒙祐生靈利樂動植昭蘇事
畢叙勲一如玄律幸疾速依應施行謹牒

仙四

十一

太歲牒

靈寶大法司

牒上某太歲尊神

當司據入意須至移文

牒請詳事理疾速行下土府諸司及見今營
建壇所土神並請時暫起離權行回避如其

地有故炁伏尸潛妖匿穢並行收藏屏斥毋
致干侵應係土府百神治職去處或有亡魂
因事執留並令遵稟符命遣發前來以時升
度仍冀神車下降同證齋修即使善果圓成
宸休普浹顯幽蒙祐家國霑恩牒至幸疾速
依應施行謹牒

蒿里牒

靈寶大法司

牒

黃泉蒿里丈人

當司據入意須至移文

牒請詳前件事理即與關告黃泉幽境林莽

陰鄉掌領亡魂主錄鬼逕應干合屬去處根
攝係薦某等魂及五道三途四生萬類新亡
往逝惡死善終留滯坵墟浮遊郊野無親無
祀失倚失依執對牽纏罪愆拘滯一切沉靈
滯爽並與遵從符命疾除罪簿落滅惡根遣
發前來恭承齋薦如所攝亡魂或考證未終
不應遽釋亦請逐處計會差借官吏引衛赴
壇昭示報應仍冀神駭下邁同證齋功庶使
家國蒙恩顯幽靈祐事畢具奏依格叙勲牒
至幸疾速依應施行謹牒

里域帖

靈寶大法司 帖

當司據入意須至帖者

帖請詳事理自某日開建為始即與整肅壇
界捍禦凶邪祛斥不祥消蕩厭穢營衛齋事

仙四

通達文移庶使善果圓成顯幽利濟事畢具
奏依格叙功幸疾速依應施行謹帖

牒就近典祀正神監壇

靈寶大法司 牒某神

當司據入意須至移文

牒請詳事理自某日建壇爲始即希躬親統
率吏兵徑赴壇所駐劄監勒里域土地干係
等神守衛壇界祛斥妖氛應日前其地或有
故炁伏尸須管秘藏毋令發露或停止下官
故炁並令火急起離前去不得稽留自建壇
一百二十步內有太歲官君禁忌神煞亦請
時暫回避不許衝妨事畢散壇各復元位庶
使齋功成就魔障不生福被寰區恩覃幽顯
叙功拜表用答神休幸疾速依應施行謹牒

已上申牒文字關中界直符并逐處沿路

里域土地等神同共通發

水府狀

狀謹申上
水府扶桑官

靈寶大法司

當司據入意須至錄狀申

聞者

右謹具申

水府東霞博桑大帝伏望

聖慈曲垂矜允暫迂龍馭俯降齋壇證錄精
衷鑒瞻修奉庶使齋功成就靈蔭普覃福被
顯幽澤周寰宇生靈蒙祐家國承休專降指

揮行下水府有司江海河源溟泠泉曲應干
合屬去處依格照應咸令遵稟符命拔度亡
故某等竄及五道三途四生萬類一切沉靈
滯爽蠲除執對赦宥罪瑕超出俾膺齋薦悉
行遣發隨召前來如所攝亡竄未應遽行原
釋亦乞差撥官將時暫護送赴壇昭示報應
恭聽
天命施行謹狀

賜谷神王狀

狀謹申上
賜谷神王府

靈寶大法司

當司據入意須至錄狀申

聞者

右謹具申

水府暘谷神王伏望

聖慈曲垂省錄暫迂神馭俯降齋壇成就善

功證明修奉庶使顯幽蒙祐家國霑恩仍乞

行下水府龍庭河源泉曲九江八海四瀆三

河溟泠洞潭下元水司應干合屬去處依法

照應咸令遵稟符命拔度亡故某等寬及五

道三途四生萬類以至捷汲溟波之衆穿地

引水之龍或自溺以投身或覆舟而殞命違
盟受請積惡償辜一切滯爽沉靈並與赦宥
罪瑕蠲除考對悉行疏理放免拘纏隨召赴
壇以時遣發如所攝亡寃執證未終不應遽
行原釋亦乞差撥官將時暫引衛前來昭示
報應立祈亟賜施行謹狀

仙四

十四

水府治職

漢江水帝 楚江水帝 湘江水帝
吳江水帝 五川江水帝 揚子江水帝
淞江水帝 松江水帝 荆江水帝

廣已上九江水帝用申狀

吳山木牒

五山木牒

紫石木牒

東海淵聖廣德王
南海洪聖廣利王

西海通聖廣潤王
北海沖聖廣澤王

順濟龍王
江瀆廣源順濟王

河瀆靈源弘濟王
淮瀆長源溥濟王

濟瀆清源善濟王
馬當山上水府福善安

江王
採石山中水府順聖平江王

金山下水府昭信泰江王
青草湖大神

彭蠡湖大神
丹陽湖大神
謝陽湖大神

太湖大神

已上共一十七牒

水帝狀

狀謹申上
某江水帝宮

靈寶大法司

當司據入意須至錄狀申

仙四

十五

聞者

右謹具申

某江水帝伏望

聖慈曲垂省錄暫迂龍駕俯降齋壇成就善
功證明修奉庶使顯幽蒙祐家國霑恩仍乞

行下所理水司治職應千合屬去處依法照

應

云並同賜
谷神王狀

龍王牒

靈寶大法司

牒上

東海淵聖廣德王

當司據入意須至移文

牒請詳事理即與行下所理水司治職應千
合屬去處依法照應咸令遵稟符命拔度亡
故其等竟及五道三途四生萬類以至揅汲
溟波之衆穿地引水之徒或自溺以投身或
覆舟而殞命違盟受謫積惡償辜一切滯爽

沉靈並與負宥罪瑕蠲除考對悉行疏理放
免拘纏隨召赴壇以時遣發如所攝亡魂執
證未終遽行原釋亦請差撥官吏時暫引衛
前來昭示報應仍請神驂下邁同鑒齋修庶
使善果圓成宸恩普博寰區共慶幽顯同休
牒至幸疾速依應施行謹牒

右照依前項龍王水府聖位共一十七牒
並同式

已上申牒文字並關下界直符傳達

神虎攝召牒

靈寶大法司

當司據入意除已錄奏

天廷告行符命請降玉札遍詣合屬去處
追攝施行今具係薦亡魂鄉貫姓名在前
須至移文

仙四

十六

牒神虎主吏何喬三部追魂使者侯魏張追
魂大將提魂攝鬼官將本司追魂攝鬼將吏
等神請詳事理遍詣十方三界北都羅酆海
嶽洞天城隍里社或幽鄉之陰獄或分野之
冥司典錄功過之曹校量罪福之所掌領魂

識主執陰靈應干合屬去處根攝前件亡魂
其人等竄及五道三途四生萬類一切沉靈
滯爽或拘繫禁扃之內或因閉幽府之中或
自迷自牽或久沉久墮以至浮遊郊野散蕩
山林靈識轉昏神明未復不經拔度尚困幽
陰並請遵照今來上帝符命混元玉札事理
火急根攝赴壇依時報應如所取亡魂證結
未終理難遽釋亦請時暫交領前來恭承薦
拔牒至幸疾速施行謹牒

靈寶大法司

牒上

神虎追攝七司玉女

當司據又意同前

牒請詳事理遍詣十方三界幽獄冥關應干

合屬去處追攝亡故某人等竟及五道三途

四生萬類一切沉靈滯爽或拘留陰境或執

仙四

十七

對冥曹或沉滯坵墟或浮遊郊野縈纏五苦

或謫役三途或戀尸形或迷性識咸請遵稟

今來上帝符命玉札事理悉行根攝以今月

某夜並赴行司見形受度如所攝亡竟校錄

未終不應遽釋亦仰計會逐處主者差撥官

將時暫護送前來以昭道法立待報應切勿
稽延事畢上聞叙勲如律謹牒

催召牒

靈寶大法司

牒上

神虎攝魂官將衆神

當司據入事除已告行符命玉札及移文

根攝係薦亡魂及五道四生三途萬類一
切沉靈滯爽前赴齋壇以時升度今來攝
召屆時合要所取亡魂附幡見形昭示報
應須至再行移文

牒神虎何喬二主吏七司玉女三部追魂使

者本司追攝合干官將衆神請詳事理火急
催取前件係薦某等魂及五道三途四生萬
類一切沉靈滯爽或沉滯山澤棲隱坵墟或
無所依歸浮遊四野或不係里域編籍無名
或性識蕩迷魂神未聚或已死而不悟或執
愛而自牽或在三元曹局之中或墮九壘重
陰之下或校錄之未解或寃對之尚纏三界
十方應干去處依格追取即令詣壇以時附
籙分明報應仍行開諭俾悟本真聽法聞經
知根識命欽承道澤恭領齋功儻福廣被於

幽陰則勲實由於官將事畢上奏遷賞如儀
牒至立俟依應施行謹牒

拘集孤冤普召牒

靈寶大法司 牒上 神虎攝召合干官將等神

當司今月某日為鄉貫某人就某處崇建

仙四

十八

無上靈寶黃籙大齋以某夜虔備斛筵普
行濟度除已錄奏

天闕關申三界合屬真司外合行普召十
方三界六極四維萬國之中九州內外天
道神道人倫道地獄道餓鬼道畜生道一

切幽菟等衆或終於富貴或厄於孤寒或
善亡或惡死或投河自縊或委壑墮崖或
無倚無歸或自牽自執或依草附木或隱
跡幻形或懷冤蓄恨而凶終或茹苦含悲而
枉死或傷殘於戰陣或誅戮於國刑或遭
歐刺以傷生或受拘囚而損已或去離鄉
井或漂泊道途或屯戍邊疆或奔馳商旅
或自刑自刎或自毒自殘或負命欠財或
違盟失誓或雷霆震擊或水火漂焚或生
產未分或呪詛興禍或遭厭蠱或中毒砂

或馬墮舟傾或木摧石壓或精神散蕩或
鬼鬼飛揚或足斷手攣或目盲耳聵或僧
尼雜類或技藝百工或既歿而沉埋或未
葬而暴露或焚屍而擲骨或失祀以無依
或流竄於異鄉或羈縻於夷虜或瘖或瘖

山四

十九

或賢或愚或壽考而終或年夭而逝或孤
兒寡婦或獨老鰥夫或隱逸之倫或文華
之輩或娼優之部或屠宰之行或賦質而
頑囂或失身於盜賊或古來豪傑或近世
英雄或公府吏胥或戎門兵卒或地獄幽

關之罪爽或城隍里社之拘囚或蒿里黃
泉或溟泠水界或九壘重陰之內或五嶽
考對之司或證結未終或校量不盡或已
經考罰或未伏典刑或三途謫役之鬼或
五苦償辜之鬼或物精野怪或妖祟邪神
或魍魎陰靈或魑魅幽爽或禽或獸或蟲
或魚或走地飛空或沉淵浮水或居郊野
或處山林或胎生卵生濕生化生或有情
無情有識無識或展轉沉滯或返復輪迴
杳杳乾坤滔滔今古無高無下無極無窮

品類未詳聲述不盡冥途夜府一切幽竄
悉行拘集前來詣壇受度須至移文

牒神虎雄左雌右主吏何喬二大將主竄七
司玉女三部追覓使者攝召合千官將吏兵
請詳事理疾速徧詣冥關幽路泉曲陰曹九

地諸司三元主執山川嶽瀆分野神靈社令
城隍典祀宮廟黃泉蒿里掌領幽竄之司里
域地祇典錄亡人之所天上地下四海九州
應千合屬去處咸令遵稟符命玉札赦宥前
件三界十方四生萬類一切幽竄滯爽並與

疾除罪簿落滅惡根出離陰鄉悉詣壇所以
時並赴不請稽延庶玄澤之廣覃俾陰靈之
俱慶十方昭泰萬寓清寧事畢上聞叙勲如
律牒至幸疾速依應施行謹牒

右總召牒自古舊有之蔣氏立成儀亦以

仙四

二十

常本編入蓋此牒不過欲普召孤魂而已
非有他意亦不必遠引經文亦初無隱奧
難解但其中云若非有色若非無色若非
有相若非無相等語全同釋氏之門縱有
所出亦不必宜用兼其立成儀中乃牒城

隍里域神虎將吏令其放入前件孤寃如
此則是孤寃並已赴壇將吏不容其入大
失普召之儀矣儻只欲放入赴壇之鬼似
不必是行移之詳矣理之所在爾初非求
異允中今從舊典考證畧加排整使語言
有序庶其易讀仍牒神虎官將依準玉札
普行攝召於理可通奉行蔣氏之儀式自
從彼糾今為吾黨之士備用不須彼此混
淆

給散孤寃錢錄關

靈寶大法司

當司今月某日為某人崇建其齋普度五

道三途四生萬類一切幽寃除已沐浴朝

真享供受度聞經聽戒咸俾升遷今有太

上生天寶錄豐都山真形元始靈書中篇

仙四

三十一

別有印經於此間開寫合行給散須至專

行

右關六道功曹

法官有平日所用得力將當吏於此添入請同共監散

處里域土地等神引上到壇一切孤寃將前

件符錄經文等物恭承

道力變化無窮逐一當壇盡行給散務在周
備毋使缺遺各令率領事畢並行發遣前詣
合屬真司證品超度施行故關

遣發奏申文檄關

齋壇多用三界文牒而已此外行持符法
祈告真靈斗宮五府諸處關文以備緩急
行持施行而用故併錄于左

功曹總帖

靈寶大法司

當司據入意除已錄奏

天廷關申三界外須至移文

帖三界直符使者四直功曹十二時直主者
六道功曹監齋直事某處里域土地齋壇內
外干係等神各請照詳今來建齋事理即爲
上開諸天宮闕普達三界靈司庶得萬聖鑒
觀百神受職進膳章表翻布符文通達關申
宣傳號令上極太空之際下窮無底之淵所
向必臻無遠弗届應聲受事隨召關靈俾齋
直之圖成庶顯幽之利濟福覃無外澤被有
情散席解壇叙勲遷賞錄奏

天關一如太真之儀故帖

發上界申奏關

靈寶大法司

當司恭膺法錄佩受符章隸役靈寶南曹
分職童初翊治遵行科典格許關申況有

仙四

三三

急切之懇祈合憑傳奏之曹局今有文狀
上詣天廷須至專行關發者

一奏狀幾方函封印全上詣

某宮逐一開具

右關某日某時當直功曹二使者請神馭雲

飛使車電激瞬息而翱翔萬里呼吸而騰翥
九霄文狀上通悃誠徑達如或邪魔邀截故
炁干侵即請攝赴真司擒解天獄仰遵大道
垂科之意以廣

上帝好生之恩亟切齋持斯須報應故關

發中界文字關

靈寶大法司

當司受職三天南曹隸名五元素府理合
糾彈妖妄法當濟度顯幽事有關申格須

曹局今有文狀前請

中界真司須至關發者

一申狀幾方函封印全詣

當同某所申上

右關

中界功曹使者請乘飈亟往飛步潛通遍詣

仙四

二十三

真司悉聞中界俾文移之速達庶報應之早
彰或無道魑魅干侵或不正鬼神邀截即仰
擒解就近嶽瀆東送所屬城隍研窮罪源上
昭天憲立俟捷疾幸勿稽遲故關

發下界文字

當司恭受靈文獲膺大法普利人物總治
幽冥既列司存合遵儀範有關申之急切
當曹局之通傳今有文移前詣下界真司
須至關發者

一申狀幾方函封全詣

某所申上

右關

下界功曹使者請潛通鬱絕下徹重泉赴地
界之幽宮入冥關之陰治咸隨所詣各與通
陳疾速以即闡威靈亟切而明彰報應幸勿

稽滯即使遵行故關

靈寶大法司

靈寶大法司

當司攝三天執法之任隸五府記室之班
典格攸存關申合通於三界科儀昭著表

文當徹於九霄今有急切詞陳須至總行

關發

逐一開具

右關

三界傳奏功曹使者承差官將吏兵請分馳

神騎各赴真司上達
三境九霄下徹十天六洞普遍八紘之外以
及四維之中洞府嶽瀆之曹神靈宮廟之所
迺文移之速達敷詞悃以急通疾作傳馳聞
威靈於人世昭示報應叙功賞於天廷即邁
雲程幸毋稽滯故關

仙四

二十四

九皇土壘聖位

第一壘色潤地土皇君

第二壘剛色地土皇君

第三壘石暗色澤地土皇君

第四壘潤色澤地土皇君

第五壘金色澤地土皇君

第六壘金剛鐵色地土皇君

第七壘水制澤地土皇君

第八壘大風澤地土皇君

第九壘洞淵無色網維地土皇君

上清靈寶大法卷之三十一

共八

